

Na Presidente di Parlamento
Sr. drs. Pauldrick Croes

Aruba, 1 februari 2012

Topico: preguntanan relaciona cu tram

Repsetable Sr. Presidente,

Pa medio di e carta aki mi kier haci un peticion na bo persona pa entrega e siguiente preguntanan na Minister di Infrastructura, a base di articulo III.7 di nos Constitucion y articulo 59 di e Reglamento di Ordo di Parlamento.

Atentamente,



mr. Xiomara Ruiz-Maduro

STATEN VAN ARUBA
Ingek. 03 FEB 2012
Volgnr.: IS/434/11-12



Preguntanan pa Minister di Infraestructura

Nos tuma nota di e campaña publicitario di Gabinete Eman pa asina bende e Pueblo di Aruba e proyecto di Tram den e Centro di Cuidad na Oranjestad como e unico forma di transporte cu por sigura un fluho constante di turista den nos Centro di Cuidad. Na varios ocasion, diferente miembro di Parlamento a pidi Gobierno pa haya e plan di movilidad cu ta hustifica e tram aki como e unico medio di transporte, pero te ainda Gobierno no a cumpli cu e peticion aki. Nos tin entedi cu e proyecto di Tram lo ta un inversion di por lo menos 21 miyon florin. Un inversion asina grandi ta rekeri tambe cu tin un plan di factibilidad den cual ta stipula entre otro cuanto fondo lo ta necesario pa mantene e inversion aki y di unda lo saca e fondonan aki. Parlamento te ainda no a recibi e plan di factibilidad aki.

Mientrastanto e proyecto di Tram a conoce cambionan. Den un decreto ministerial di 9 december 2011, Minister Sevinger a indica cu a bin cambionan den e bestek pa e "Aanleg Trambaan."

En bista di esaki, mi tin e siguiente preguntanan, a base di articulo III.7 di nos Constitucion y articulo 59 di Reglamento di Ordo di Parlamento di Aruba.

1. Nos por recibi un copia di e plan di movilidad di nos Centro di Cuidad?
2. Nos por recibi un copia di e plan di factibilidad di e proyecto di e Tram?
3. Si acaso no tin un plan di factibilidad di e Tram so, nos por recibi e plan di factibilidad cu ta contene informacion riba e Tram?
4. Gobierno a indica cu e gastonan pa pone e railsnan a sali dos biaha mas caro cu a ser premira pa HTM Consultancy. Pa e motibo aki Minister a dicidi di laga cambia e bestek di e "Aanleg Trambaan". Minister por splica kiko a ser cambia den e bestek?
5. Minister por indica pa ki suma HTM Consultancy a premira e gastonan pa e "Aanleg Trambaan"?
6. Minister por indica cuanto e proyecto lo costa despues di e cambionan den e bestek?
7. Minister por splica pakiko despues cu e cambia e bestek, e proyecto no a wordo poni na un destaho publico?
8. Minister a indica den e decreto ministerial cu dos compania local a duna un oferta, pero despues cu Gobierno a studia e ofertanan aki a conclui cu e companianan aki no por ofrece un trabou satisfactorio pa Gobierno. Minister por splica pakiko a yega na e conclusion aki?
9. Minister por splica ki experticio e compania cu si a haya e proyecto aki bou man via un "onderhandse aanbesteding" tin cu ponemento di rails?
10. Minister por duna nos un copia di e advies di Dienst Openbare Werken di 2 di december 2011 cu ta ser menciona den e decreto ministerial di 9 december 2011?

Mi ta spera di por recibi contesta riba e preguntanan aki ~~den~~ ⁱⁿ **por escrito**, mas pronto cu ta posibel.

Atentamente,



mr. Xiomara Ruiz-Maduro
Parlamentario Fraccion MEP